



## **Universitätsbibliothek Paderborn**

**Nucleus Practici Tractatus, De Legibus**

**Marchius, Ewald**

**Coloniæ Agrippinæ, 1660 [erschienen] 1661**

Cap. XXX. An Consuetudo possit dici rationabilis quæ adversatur legi  
rationabiliter latæ

**urn:nbn:de:hbz:466:1-42256**

lum secum importat communitatis consensum, aut voluntatem, inducendi aliquod Jus contrarium, aut Legis abrogationem quia tantum procedit, tanquam ex causâ extrinseca, & per accidens eo quod servandæ Legis casus non occurrat, non autem ex aliqua voluntate, omissiendi Legem, quod requiritur, ut per actus aliquos, sive positivos, sive privatos, novum aliquod Jus inducatur contra antiquum: quia necesse est, quod actus sint, animo inducendi talēm consuetudinem, licet hic animus ordinarie, scilicet magis esse tacitus, quam expressus, unde Glossa in cap. ult: de consuetudine: & alij plures docent, quod per actus ex ignorantia, vel errore factos, non inducatur consuetudo, quia sunt involuntarij, sive illa sit ignorantia facti, puta, quā ignoretur, quod huius actus sint, contra talēm Legem; sive Juris, puta quia ipsa Lex ignoratur, ut exponit Suarez lib. 7. cap. 12. Eo quod ignorantia impedit voluntarium.

## C A P U T . XXX.

*An Consuetudo possit dici rationabilis: qui  
adversatur LEGI rationabiliter  
late.*

PRO hujus difficultatis explicatione observantur est, non haec eadem esse, Consuetudinem aliquam esse simpliciter bonam &

& Consuetudinem esse rationabilem: quia ut consuetudo sit simpliciter bona, requiritur, quod actus & actuum frequentatio, ex eusene malitiam, non tantum ex parte objecti, sed etiam ex parte operantium, & quo ad omnes circumstantias. Quae non requiruntur omnia ut consuetudo possit dici rationabilis, sed ad hanc requiritur in primis, quod non sit mala, ex parte objecti, sive, quod actus ejus, non sint intrinsece mali, neque tales, quod nulla humana potestate, possint cohonestari; quia tales actus, quantumcunq; diu frequentati, non possunt novum jus inducere, neque antiquum abrogare.

Itaque continuata frequentatio talium actuum, non meretur etiam, nomen consuetudinis, sed corruptelæ & abusus. Neque hoc tantum requiritur, quod ex objecto non sit simpliciter mala, sed etiam quod non includat aliquam indecentiam, neque adducat periculum mali. Cujusmodi sunt, quod Clerici incumbant venationibus, yacent Tripudijs, aut Ludis minus convenientibus, ipsorum ordini, aut statui. Ie in quod officia Justitiæ vendantur, vel quod Justitiæ Ministri, sive judices admittant munera.

Notat hoc Abbas ad capit. Cum inter de Consuetudine, ubi docet, omnem cōsuetu-

di-

dinem contra honestatem , sive decentiam  
(quæ semper aliquid simpliciter malum in-  
cludit) esse irrationalitem ∵ nihil enim isto-  
rum aut similium potest rationabiliter, per  
formam L E G I S statui; neque potest L E I  
quæ ejusmodi prohibet, abrogari rationabi-  
liter, etiam per ipsum Legislatorem. Non  
vero censetur consuetudo, mox irrationali-  
lis, quia est contra aliquam prohibitionem,  
vel præceptum humanum, sive civile, sive  
Ecclesiasticum, ut colligitur ex cap. ult. de  
consuetudine, & ex L E G E, de quibus supra  
citatis quæ plane supponunt , aliquando Jus  
positivum humanum tolli. per consuetudi-  
nem, quam volunt esse rationabilem, unde  
non debet consuetudo censeri irrationalis  
ex hoc solo, quod sit contra L E G E M hu-  
manam , & ita docet Panormitanus in cita-  
tum ca. & alij plures Canonistæ, & Bartolus  
in L E G E M secundam, cod: quæ sit longi-  
va consuetudo,

Unde sequitur, non requiri etiam, quod  
estus, ex quibus consuetudo constat, careat  
omni malitia, ut habeatur illa rationabilis. I-  
mo dicit Suarez lib. cit. cap. 18, §. Non necel-  
larium esse quod tales omissiones , quibus  
L E X. abrogatur, sint peccaminosæ, saltem in  
principio: quia inquit , si provenirent ex alli-

qua

quā rationabili excusatione, non declararent voluntatem LEGI contrariam: ut si occurreret necessitas excusans: tunc enim non esset dissuetudo; sed purus non usus LEGIS qui ex omnium sententia, non sufficit, ad LEGIS abrogationem inducendam.

Quod si vero tam frequentes sint ejusmodi occasiones, sive necessitates, ut possint offendere, LEGEM esse incommodam, aut inutilem, tunc consuetudo, non proprie abrogabit LEGEM, sed quia manifestatur ejus inutilitas, hinc per se emoriatur, & cessabit. Idem docet latius Suarez eodem loco §. 25. ubi dicit, Cajetanum hoc loco ad secundum, & omnes ita sentire. Non tamen satis erit, ut consuetudo censeatur rationabilis, quod aetus ex objecto, non sint inhonesti, neque indecentes, aut tales quorum frequentatio, & ordinarius usus sit periculosus, sed, ut aestimari possit rationabilis, in ordine ad LEGEM abrogandam.

Requiritur etiam, quod adsint rationes, quae licet sufficienes non sint, ut per se LEGEM extinguant, tamen sint tales, quod Legislator propter illas possit rationabiliter LEGEM mutare, aut abrogare: quamvis enim LEX rationabiliter lata sit, & etiam rationabiliter perseveret, ob certos respectus.

L. 4.

post

possunt tamen concurrere aliæ rationes, ob  
quas etiam rationabiliter à Legislatore  
queat mutari, quemadmodum duo contra-  
ria, possunt simul esse probabilia. Et si in al-  
tera parte forsitan sit aliquis excessus, non  
mox efficit alteram partem irrationalabilem,  
sicuti, quod una pars contradictionis sit pro-  
babilior, non facit alteram improbabilem.

Ex his patet Responsio ad difficultatem  
propositam. Dicendum enim est, quod sup-  
posita honestate, ex parte materiæ, quoad  
non repugnantiam, cum LEGE naturali,  
vel divina, & remota indecentia, quod suffi-  
ciat ad consuetudinis rationabilitatem, quod  
sufficiatur quibusdam rationibus, ob quas  
Legislator posset rationabiliter LEGEM  
mutare, si vellet, quamvis non sint tales, qua  
faciant LEGEM per se cessare, sive emori.  
Rationabilis enim, tunc est illa legalis vo-  
luntas, sive consensus Legislatoris, quo con-  
sentire judicatur, in LEGIS abrogatio-  
nem.

Quod autem per actus malos, saltem abi-  
nitio, Legis abrogatio fieri possit, hoc mi-  
rum videri non debet: quia actus illi non con-  
currunt, tanquam causa per se istius Abroga-  
tionis, sed tanquam causa per accidens, &  
causa, sine qua non: nam causa per se, est Le-  
galis

galis voluntas sive jus , quod voluit legem cedere aliquando consuetudini inolitæ, quæ subnixa sit probabili<sup>2</sup> saltē rationibus, ob quas legislator possit rationabiliter legem mutare ; quod secundum rectam rationem ordinatum est pro subditorum commoditate cum regimenter communitatibus sit suavius: Interim vero, quod tandem resultat, ex ejusmodi consuetudine non est malum, cum similis actus postea fiant, sine malitia, ablata nimisrum lege, & in hoc consentire censendus est Princeps, abrogando legem. Et hoc modo, licet consuetudinis illius actus , quibus constat, sint irrationabiles, prout fiunt, (videlicet contra legem) non tamen in substantia, sive ab intrinseco: quia possunt licite fieri, ablata scilicet lege, quia Princeps propter istam consuetudinem prudenter & rationabiliter potest legem abrogare , & sic consuetudine completā; & lege abrogata, actus postea licite fiunt, & jus quoque ad eos libere faciendos, justum est, quia non est, nisi quædam carentia sive solutio, à rege prohibente, quæ rationabiliter auferri potuit. Ita

Wiggers in 1.2. q. 97. art. 3.

CA